



Olarra: «PSOEek EAJ konfrontazioaren esparruan jartzea lortu du autobideko auzian» / 4



Jon Azuak «kontuz ibiltzeko» dio MD-12 hegazkinaren hegalen proiektuan / 12



Datorren urtean ere bi pastoral Zuberoan Santa Grazi eta Iruri herrietan / 26

Egunkaria

Osteguna, 1991ko Urriak 31 / II. urtea / 280. zenbakia / Salneurria: 75 pta. / 4,5 libera

INGURUGIROA

Atxarteko harrobiak itxi egingo dituzte

Abadinoko Atxarteko harrobia gaur itxi beharko dute. Hala erabaki zuten atzo, desadostasunak gaindita, Bizkaiko Diputazioak eta Eusko Jurlaritzako Nekazaritza eta Ingurugiro sailek. / 10

Negoziaketarako bitartekaritzan jarraituko du HBk

ETA eta Estatu espainiarren artean «beharrezkoa eta ezinbestekoa» den bitartekaritza lana egiten segiko duela nabarmendu zuen atzo Herri Batasunak. Mahai Nazional osoa eta bitartekaritzan ihar- dundako zortzi lagunak azaldu ziren Bilbon. Rafael Verak esandakoak ukatu zituzten. HBko batzuk agintzen dutela ETAn, eta negoziaketarako bidea erraztu beharrean, HBk oztopatu egiten duela, esan zuen Verak. / 4

EHUn diru kontu ilunak daudela salatu dute

Euskal Herriko Unibertsitateko «kaos administratiboa» nabarmen utzi du Herri Kontuen Euskal Epaitegiak. Milagros Garcia Crespo buru duen erakunde horrek atzo aurkeztu zuen EHUKo fiskalizazio txostena. Egoera horren erantzukizunak zehazteko bidea libre utzi die epaileei. EHUtik inork dirurik poltsikoratu duenik ezin daitekeela esan azaldu zuen Crespok. Goiriena errektore berriak atzo hartu zuen kargua. / 9

Duela hiru mila urteko hilerria azaldu da Araban

Euskal Herriko neolitikoko aztarnategirik handiena izan daitekeena aurkitu dute Bias- terin (Araba). Sei urteko ar- katze lanaren ondoren, duela 3.000 urteko aztarnategi ho- netako aberastasunen berri eman zuen atzo Jose Ignacio Vegas arkeologoak. Aurki- kuntzak Euskal Herri prehis- torikoaren ezagutza iraul de- zake, Vegasen iritziz. / 26

Bush: «Bakerako beharrezkoak dira lurralde konpromezuak»

Israel eta palestinarren arteko oreka mantendu zuen EEBBeko lehendakariak

Ekialde Erdiako Bake Konfe- rentziaren lehen ekitaldian George Bush lehendakari estatubatuarrek ez zuen 'bakea lurren truke' formula aipatu, palestinarren erreibindikazio nagusia. Hala ere, bakerako «lurralde konpromezuak» beharrezkoak di- rela aipatu zuen Bush.

Lehendakari iparramerikarrak lu- rralde okupatuak palestinarren- tzat autonomia proposatu zuen. Ja- rrera horrekin, ez zituen Israel edo palestinarren nahiak asetu, baina kontrako erantzun gogorrik ere ez zuen izan. «Palestinarrok gure etor- kizuna erabaki behar dugula esateak garrantzi handia du guretzat», esan zuen Hanan Ashrawi ordezkari pa- lestinarrek.

Bushen ondoren, Mikhail Gorba- txov lehendakari soviatarrek hitze- gin zuen. Palestinarren eskubideak errespetatu beharra azpimarratu zuen Gorbaxovek. Dena dela, lehendakari soviatarren eginkizu- na ez da oso handia Bake Konferen- tzian. Hitzaldia eta gero, Madril utzi eta Euskal Herrira etorri zen Gorba- txov, François Mitterrandekin bil- tzeko Miarritzen eta Landetara joa- teko bi egunez. Atzoko hasierako hitzaldien ondoren, gaur izango da israeliarren eta arabiarren mintza- tzeko txanda. / 16-18



EUSKAL HERRIAN izan zen Gorbaxov atzo, Miarritzeko aireportuan hain zuzen. Bisitaldi benetan laburra eta «teknikoa» izan zen Mikhail Gorbaxovena, baina bertan izan zen EGUNKARIAKO MIXEL ESTEBAN argazkia egiteko. Mandatari soviatarra Madrileko Bake Konferentziatik etorri zen

atzo arratsaldean Miarritzera; bertan François Mitterrand Frantziako lehendakariak egin zion harrera eta gero biak Landetako Latche herrira joan ziren. Mitterrandek gonbidatuta, atsedean eta diplomaziarra emanda igaroko dituzte bertan bi egun lehendakariak. / 19



Ikastoletako langileen manifestazioa Donostian.

CARLOS VILLAGRAN

EAEko ikastoletako atzoko greba ia erabatekoa izan zen

LAB eta ELA sindikatuek deitu- tako lanuztea ia erabatekoa izan zen Euskal Autonomi Elkarte (EAE) ikastoletan. Araba, Bizkaia, eta Gi- puzkoako 115 ikastola itxi ziren, 4.300 langilek egin zuten greba eta 69.000 haur geratu zen eskolarik ga- be. Ikastola elkarteak gehitu nahi dizkieten lanorduak piztu du, beste arrazoi batzuen artean, irakasleen protesta hori. Sindikatuek geldial- diaren oso balorazio positiboa eman zuten atzo. / 8

Auto azpian jarri bonba indargabetu zuten Irunen

Auto baten azpian jarritako lehergailua indargabetu zuten atzo arratsaldean Iruneko Anaka auzoan Poliziako TE- DAX talde bereziek. Bonba zibil baten Ford Fiestaren az- pian zegoen eta jabeak berak —ez da izenik eman— antze- man zuen han zegoela. Poli- ziaren arabera, jabeak ez du zerikusirik segurtasun inda- rrekin ezta drogarekin ere.